

IV. ENTIDADES LOCAIS

CONCELLO DE SANDIÁS

BASES REGULADORAS DA CONVOCATORIA DE AXUDAS PARA A ADQUISICIÓN DE LIBROS E MATERIAL ESCOLAR PARA O CURSO 2024/2025

Expediente núm.: 225/2024

Bases reguladoras da convocatoria de axudas para a adquisición de libros e material escolar para o curso 2024/2025

Para os efectos oportunos publícase que, por Decreto da Alcaldía do 26/08/2024, aprobáronse as bases reguladoras e a convocatoria para a concesión de axudas para a adquisición de libros e material escolar para o curso 2024/2025, destinados a alumnos/as matriculados/as no centro público de educación de Sandiás, conforme ás seguintes cláusulas:

Primeira. Obxecto da convocatoria

Esta convocatoria ten por finalidade a concesión de subvencións a familias do concello de Sandiás cuxos fillos e fillas acudan ao centro docente público de Educación Infantil (segunda etapa) e Educación Primaria para o curso 2024/2025, para axudar a facer fronte aos gastos orixinados pola escolaridade e como incentivo á fixación de poboación nos pequenos municipios.

Segunda. Beneficiarios/as

As familias dos/as alumnos/as que estean matriculados/as no curso 2024/2025, no nivel de Educación Infantil (segunda etapa) e Educación Primaria.

Terceira. Requisitos dos/as solicitantes

As axudas poderán ser solicitadas polas familias dos/as alumnos/as que cumpran os seguintes requisitos:

1. Estar o/a alumno/a empadroad/a en o Concello de Sandiás antes de que finalice o prazo de solicitudes.
2. Estar matriculado/a no nivel de infantil, ou primaria do centro público de Sandiás.
3. Os/as beneficiarios/as deben comunicarlle ao Concello a obtención doutras axudas para a mesma finalidade.
4. Estar ao corrente no pago de todos os tributos e taxas municipais.
5. Non estar incurso/a nas prohibicións para obter a condición de beneficiario/a segundo o artigo 10 da Lei 9/2007, do 13 de xuño, de subvencións de Galicia.

Cuarta. Financiamento da convocatoria

As concesións das axudas reguladas nesta orde serán atendidas con cargo á aplicación orzamentaria 231.480 do exercicio 2024, que conta cun Orzamento de 2.000,00 €.

Quinta. Contía e límites

As axudas municipais escolares son compatibles con calquera outra axuda, para a mesma finalidade, de organismos públicos ou privados, sen que excedan no seu conxunto o 100% do gasto,



comprometéndose o solicitante a comunicar ou reintegrar o concedido polo Concello de Sandiás no caso de ter percibida outra axuda para o mesmo gasto que supere o 100% do importe.

Os/as beneficiarios/as poderán recibir como máximo as seguintes contías, en función das solicitudes presentadas e ata esgotar o crédito orzado: 50,00 €.

Sexta. Solicitud e documentación para achegar

1. As solicitudes presentaranse no Concello nos modelos facilitados para o efecto.

2. As solicitudes (debidamente cubertas e asinadas) deberán ir acompañadas da seguinte documentación:

- Certificado ou informe do centro escolar onde os/as alumnos/as realicen estudos no que se especifique o curso onde están matriculados.

- Certificado ou informe do centro escolar conforme recibiron axudas, a súa cantidade, ou se polo contrario non percibiron ningunha.

- Fotocopia do DNI do/a solicitante, pai, nai, titor/ra ou persoa adxudicataria en sistemas de acollemento familiar.

- Fotocopia do libro de familia

- Certificado de empadramento do/a alumno/a

Sétima. Lugar e prazo de presentación

A solicitude presentarse no Rexistro Xeral do Concello de Sandiás, ou en calquera das formas que recolle o artigo 16 da Lei 39/2015, do 1 de outubro, do procedemento administrativo común das administracións públicas.

O prazo da presentación será de 15 días naturais, que contarán desde o día seguinte á súa publicación no Boletín Oficial da Provincia de Ourense. Publicarase tamén no taboleiro de anuncios do Concello de Sandiás, así como na páxina web municipal.

Oitava. Corrección da solicitude

Segundo o establecido no artigo 68 da Lei 39/2015, do 1 de outubro, se a solicitude de subvención non reúne os requisitos que sinala o artigo 66 e, de ser o caso, os que sinala o artigo 67 ou outros esixidos pola lexislación específica aplicable, requirirase a persoa interesada para que, nun prazo de dez días, emende a falta ou achega os documentos preceptivos, con indicación de que se así non o fixese teráselle por desistido da súa petición.

Novena. Comisión Técnica de Avaliación

A Comisión Técnica de Avaliación estará formada por:

- Presidente: o alcalde do Concello ou persoa na que delegue.

- Vogais: traballadora social, axente de emprego e desenvolvemento rural e secretario do concello, ou persoas que os substitúan.

- Secretario/a: auxiliar do Concello ou persoa que o/a substitúa.



Décima. Criterios de valoración

A axuda concederánselles a todos/as os/as solicitantes que cumpran os requisitos mencionados no apartado de beneficiarios/as ata esgotar a partida orzamentaria dividindo o importe total da partida orzamentaria entre o número de beneficiarios/as tendo en conta o límite máximo de concesión de subvención.

Decimo primeira. Resolución e avaliación das propostas

A Comisión Técnica avaliará as solicitudes, de conformidade cos criterios e valoración que se determinan nas bases, e fará constar expresamente que da información que consta no seu poder despréndese que os/as beneficiarios/as cumpren todos os requisitos necesarios para acceder ás subvencións.

A proposta de resolución conterá a relación, na que se indicarán todas as persoas solicitantes que participan na convocatoria, o alumnado, expediente, colexio, curso, concepto (libros, material escolar) e resolución de axudas, co seu estado de concedido ou denegado.

- Concedidas. Indicarase a subvención individual de cada persoa beneficiaria.
- Denegadas. Farase constar algúns dos seguintes motivos:
 - * A solicitude foi presentada fóra de prazo
 - * Non achegaron a documentación requirida
 - * Non estar empadroados/as
 - * O/a alumno/a non está matriculado/a
 - * O/a alumno/a percibe axudas para a mesma finalidade que superan o 100% do gasto
 - * Outros datos

A Xunta de Goberno, tendo en conta a proposta da Comisión Avaliadora, acordará a aprobación definitiva das subvencións, con cargo á aplicación orzamentaria 231.480 do Orzamento do Concello de Sandiás do ano 2024 por un importe máximo de 2.000,00 €.

O prazo de resolución non excederá de tres meses, que contarán desde o fin do prazo de presentación de solicitudes.

A resolución do procedemento notificaráselles aos interesados conforme ao que recolle o artigo 40 da Lei 39/2015, do 1 de outubro, do procedemento administrativo comúns das administracións públicas.

O vencemento do prazo máximo sen notificarse a resolución, lexítima os/as interesados/as para entender desestimada por silencio administrativo a solicitude de concesión da axuda.

Décimo segunda. Aceptación da subvención e compromisos

A subvención entenderase aceptada pola persoa solicitante, se dentro do prazo de 10 días seguintes á comunicación da concesión non manifesta nada en contra.

Os/as beneficiarios/as das subvencións, unha vez aceptadas estas, quedarán obrigados a destinar os fondos percibidos para o obxecto concreto para o que foron concedidas. Os/as beneficiarios/as



someteranse ás actuacións de comprobación e seguimento da aplicación da subvención e facilitarán tanta información lles sexa requirida e aceptarán os seguintes deberes:

1. Cumprir todas as normas establecidas nesta convocatoria.
2. Responder da veracidade dos datos da solicitude.
3. Comunicarlle ao Concello de Sandiás calquera cambio que afecte á situación da persoa beneficiaria ou da súa unidade de convivencia.

Décimo terceira. Xustificación e pago

Aboarase o importe da subvención concedida cando os/as beneficiarios/as a xustifiquen debidamente, coa presentación da seguinte documentación:

- Factura orixinal do gasto realizado. En cada factura deberán figurar, polo menos, os seguintes datos: CIF ou NIF do establecemento, nome do titular do establecemento (empresa/apelidos e nome), datos do establecemento (denominación comercial, dirección completa, concello e provincia), data e número de factura, tipo ou tipos impositivos aplicables nas operacións (base impositible e IVE do total da factura desagregada, detalle de compra/concepto e titular desta: pai, nai, titor/a ou persoa solicitante.

- Declaración formal, asinada polo representante, de todas as axudas solicitadas e concedidas para a mesma finalidade doutras administracións públicas ou privadas.

Décimo cuarta. Forma e prazo de pago da subvención

O pago realizarase mediante transferencia bancaria no número de conta que figura no formulario da solicitude, xunto coa documentación que nel requírese.

O importe para xustificar non será inferior en ningún caso ao 100% do importe da subvención concedida; noutro caso, reducirase a axuda ata o importe xustificado.

O importe da subvención concedida aboarase unha vez aprobada definitivamente, e previa xustificación dos gastos subvencionables. Non se realizarán pagos a conta.

Décimo quinta. Prazo de xustificación da subvención

O prazo máximo para xustificar a subvención será o 25 de novembro de 2024.

Décimo sexta. Reintegro de subvencións

As causas de reintegro da subvención serán as que se determinan no artigo 37 da Lei 9/2007, do 13 de xuño, de subvencións de Galicia.

Disposición derradeira

En todo o non disposto nesta convocatoria, haberá que atermos ao disposto na Lei 9/2007, do 13 de xuño, de subvencións de Galicia, Lei 38/2003, xeral de subvencións, Real decreto 887/2006, do 21 de xullo, polo que se aproba o Regulamento da Lei xeral de subvencións, Plan estratéxico de subvencións. Ordenanza xeral de subvencións de Sandiás e as bases de execución do Orzamento do Concello de Sandiás.





ANEXO I

AXUDAS PARA A ADQUISICIÓN DE LIBROS DE TEXTO E MATERIAL ESCOLAR SOLICITUDE

DATOS DA PERSOA SOLICITANTE

DNI	NOME E APELIDOS

DOMICILIO

--

DATOS DE CONTACTO

TELÉFONO	CORREO ELECTRÓNICO

DATOS DO/A ALUMNO/A PARA O QUE SE SOLICITA AXUDA

NOME E APELIDOS	DATA DE NACEMENTO

ESTUDOS QUE REALIZA NO CURSO 2024/2025

INFANTIL

PRIMARIA

DATOS BANCARIOS

IBAN:

Sandiás,de.....de 2024

Fdo.:





ANEXO II

NOME E APELIDOS.....

DNI N.º.....

CON DOMICILIO EN

.....

En relación coa axuda económica do Concello de Sandiás, destinada a financiar a adquisición de libros de texto e material escolar para o curso 2024/2025, DECLARO BAIXO A MIÑA RESPONSABILIDADE:

1. Que non incorro en ningún dos supostos que recolle o artigo 10 da Lei 9/2007, do 1 de xuño, de subvencións de Galicia.

2. Que estou ao corrente das miñas obrigacións fiscais co Concello de Sandiás, coa Axencia Estatal de Administración Tributaria, coa Xunta de Galicia e coa Tesourería Xeral da Seguridade Social.

Sandiás,.....de.....de 2024

Asdo:.....





ANEXO III

NOME E APELIDOS

DNI N.º

CON DOMICILIO EN

.....

En relación coa axuda económica do Concello de Sandiás, destinada a financiar a adquisición de libros de texto e material escolar para o curso 2024/2025, DECLARO BAIXO A MIÑA RESPONSABILIDADE:

Que foi cumprida a finalidade para a que se outorgou a subvención concedida.

Que non teño solicitado, nin concedido, nin están pendentes de resolución outras subvencións ou axudas das administracións públicas competentes ou calquera dos seus organismos, entes ou sociedades, para o mesmo concepto que o solicitado nesta subvención.

Que solicitei outra axuda económica para a mesma finalidade.

Que teño concedida una axuda por importe de€

Sandiás,de.....de 2024

Asdo.:





Contra este acordo poderase interpoñer, potestativamente, un recurso de reposición ante a Alcaldía do Concello de Sandiás, no prazo dun mes, como trámite previo ao contencioso-administrativo, ou ben directamente un recurso contencioso-administrativo ante do Xulgado Provincial do Contencioso-Administrativo, no prazo de dous meses, sen que se poidan compaxinar ambos os recursos. Os prazos indicados computaranse a partir do día seguinte ao da publicación deste anuncio no BOP.

En todo caso, poderá interpoñer calquera outro recurso ou acción administrativa ou xudicial que considere procedente.

O alcalde. Asdo.: Felipe Traveso García.

R. 2.596

